



**Tensiun sco anc darar**

La 35avla ediziun da la cursa Planoiras è stada in success cumplain.

8



**Spitals, FEM, lufs e finanzas**

Novitads da l'inscunter mensil da la regenza grischuna cun las medias.

11

südostschweiz

# LA QUOTIDIANA

Redacziun: Via Sommerau 32, 7007 Cuirra, tel. 081 255 57 10, redacziun@laquotidiana.ch

■ ZODIAC CAPRICORN

**Affons ambizius**

(fmr/sr) Dils 22 da december tochen ils 19 da schaner neschan ils affons dil segn dil zodiac capricorn. Las poppas ed ils pops che neschan actualmeïn s'audan tier la generaziun nova e muossan als carstgauns da viver, rir, carezar ed esser ventireivels. Ils affons dil zodiac capricorn drovan claras structuradas, sorprendan bugen «pigns pensums» e vulan conton-

scher finamiras. Els ein ambizius e carezan persunas dallas qualas ei san fidar. Aunc dapli dil zodiac capricorn e dils auters zodiacs anfleis vus el cudisch «Die Kinder des Herzens», in cudisch dall'astrologa Regina Casanova da Cuera e dalla fotografa Steffi Blochwitz da Flem.

> PAGINA 5



Sur quista maisa i'l büro da Richard à Porta saran its divers milliuns.

FOTO F. ANDRY

**Ingaschamaint per l'economia**

■ (fmr/fa) Dürant ün quart tschientiner ha manà Richard à Porta pella Banca Chantunala Grischuna (BCG) la regiun Scuol. Il svilup economic da l'Engiadina Bassa e Val Müstair til sta inavant a cour. Davo 42 ons da lavur pro la BCG, 25 ons sco manader da la regiun Scuol (Engiadina Bassa e Val Müstair), es Richard à Porta i in pensiu. Sco president da la Società da commerzi e mansteranza Engia-

dina Bassa resta'l però inavant in contact cun l'economia da la regiun. Ill'intervista cun la fmr dà el ün sguard retrospectiv a quai chi s'ha müdà in sia lavur a Scuol e cocha la situaziun as preschainta actualmaing.

Ün punct chi resta pretensius es tenor el la situaziun da la regiun al cunfin cun Austria ed Italia.

> PAGINA 7

**Inscunter mensil cun la regenza**

■ (fmr/mc) Ina giada al mais s'inscuntra la regenza cun ils represchentants da las medias. Discutadas vegnan dumondas actualas u da relevanza generala. Questa giada èn la manifestaziun dals activists dal clima ed

ils custs da segirezza dal FEM stads in il center. Da discutir han er ils lufs, la cooperaziun da spitals ed il gudogn da la Banca naziunala dà.

> PAGINA 11

**In premi va en Rumantschia**

Flurina Badel gudogna in dals Premis svizzers da litteratura

DA DAVID TRUTTMANN / FMR

■ L'Uffizi federal da cultura undrescha Flurina Badel per sia obra «tinnitus tropic», ina collecziun da poesias edida l'onn passà. L'autura da Guarda è uschia tranter las nov persunas che survegnan il favrer or dals mauns da cusseglier federal Alain Berset in dals nov Premis svizzers da litteratura. Il grond premi – il «Grand Prix» litterar – va a l'autura Sibylle Berg per si'ovra da vita. Ils premis per singulas publicaziuns, sco quel per Flurina Badel, èn dotads cun 25 000 francs.

Per l'autura ed artista è la distincziun stada ina veritabla surpraisa. Cura ch'ella haja survegnì la nova haja ella pensà l'emprim ch'i sa tractia dad in sbagl, cun quai che «tinnitus tropic» è atgnamain l'emprima obra litterara sco publicaziun autonoma. Tuttina haja ella natiralmain gi grond plashair da la distincziun, sco ella raquinta en in'intervista cun la FMR. En quella raquinta el er co e durant quant temp ch'ella ha scrit vi da ses cudesch.

La collecziun da poesias «tinnitus tropic» haja ella numnadamain scrit surtut durant in segiurn da plirs mais a Vienna. E là



L'autura Flurina Badel gudogna in dals Premis svizzers da litteratura 2020.

FOTO J. SCHRANZ

adina la damaun da las 08.00 en fin a las 10.00 en in café da la chapitala austriaca.

Badel viva e lavura a Guarda. Ensemen cun ses partenari Jérémie Sarbach realisescha ella en

duo projects artistics multimedials. Il pèr ha gia retschavi avant in onn il Premi d'art Manor dal Vallais ed exponì en Svizra ed a l'exteriur. Enconuscenta è Badel er sco redactura responsabla dals

«Impuls» tar Radiotelevisiun Svizra Rumantscha e sco anteriura moderatura da l'emissiun televisiva Telesguard.

> PAGINA 2

**Appellar al diever correct**

DAD ANDREAS CADONAU / FMR

■ Il tgamun politic dalla vischnaunca Ilanz/Glion ei buca dil tuttatfatg cuntents cun il diever dil num dalla vischnaunca seconstituida avon sis onns. Il num Ilanz/Glion definescha il spèrt biling dalla communitad tenor las explicaziuns derasadas dalla vischnaunca en ina brev drizzada ad ufficis, partenaris e medias. E tonpli vesa la vischnaunca da far attent alla necessitad da duvrar il num correct. Ella brev vegn menziunau ch'ei detti negina «Stadtverwaltung Ilanz» ed era negina «Stadt Ilanz/Glion».

Buca dil tuttatfatg cuntenza ei la vischnaunca vinavon cun las scripziuns «Gemeinde Ilanz» ni «vischnaunca Glion» duvradas tscheu e leu ellas medias. Perquei ch'il num Ilanz/Glion definescha igl entir intsches communal e buca sulet il marcau da Glion ei la vischnaunca vinavon dil meini ch'il nums dallas fermadas da viafier ed auto da posta seigien buca circumscrets correct el marcau da Glion cun il num Ilanz/Glion.

> PAGINA 3



30003

Servetsch d'abunents e da distribuziun: tel. 0844 226 226 mail: abo@somedia.ch